



« 08 » 09 2026թ.

№ 49602/764

«ՀՀ ԳԱԱ ռադիոֆիզիկայի և էլեկտրոնիկայի
ինստիտուտ» ՊՈԱԿ-ին /ՀՎՀՀ 05001265/
ՀՀ, ք. Աշտարակ, Ալիխանյան Եղբայրներ 1
Էլ. փոստի հասցե՝ office@irphe.am
Հեռ.՝ +(374 232) 32789

ՀՀ պաշտպանության նախարարության և «ՀՀ ԳԱԱ ռադիոֆիզիկայի և էլեկտրոնիկայի
ինստիտուտ» ՊՈԱԿ-ի միջև 06.04.2018թ. կնքված N ՄԱԱՇՁԲ-13-8 ծածկագրով գնման
պայմանագրի (այսուհետև՝ Պայմանագիր) (փոփոխություն թիվ 1 առ 26.12.2018թ.)
շրջանակներում «ՀՀ ԳԱԱ ռադիոֆիզիկայի և էլեկտրոնիկայի ինստիտուտ» ՊՈԱԿ-ն
գիտահետազոտական և փորձակոնստրուկտորական աշխատանքների կատարման
արդյունքում պայմանագրի 1-ին և 2-րդ չափաբաժիններով նախատեսված աշխատանքները
չի կատարել:

Հիմք ընդունելով Պայմանագրի 2.1.5 կետի «բ» ենթակետը՝ (կատարողը բազմիցս խախտել
է սույն պայմանագրով սահմանված Աշխատանքի կատարման ժամկետները) ՀՀ
պաշտպանության նախարարությունը 08.04.2026թ.-ին միակողմանի ամբողջությամբ լուծում է
վերոնշյալ պայմանագիրը:

Տեղեկացնում եմ, որ «ՀՀ ԳԱԱ ռադիոֆիզիկայի և էլեկտրոնիկայի ինստիտուտ» ՊՈԱԿ-ն
պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ
պետական բյուջեի **900005028106** հաշվեհամարին փոխանցել **6 025 000 ՀՀ դրամ**՝ որպես
տույժ (Պայմանագրի 6.3 կետի համաձայն) և **250 000 ՀՀ դրամ**՝ որպես տուգանք
(Պայմանագրի 6.5 կետի համաձայն) որը հաշվարկված է մինչև 25.01.2023թ. ներառյալ:
Ինչպես նաև Պայմանագրի միակողմանի մասնակի լուծման արդյունքում ՀՀ պետական
բյուջեի **900005570115** հաշվեհամարին անհրաժեշտ է փոխանցել **2 262 068 ՀՀ դրամ**
ընկերության կողմից ՀՀ պաշտպանության նախարարության նկատմամբ վերոնշյալ
պայմանագրի շրջանակներում առկա չմարված պարտավորությունը (հաշվապահական
հաշվառման մեջ ձևակերպված դեբիտորական պարտքը) և **40 127 588 ՀՀ դրամ**
(Պայմանագրի 6.5 կետի համաձայն՝ պայմանագրի առանձին փուլերով կատարված

աշխատանքների դիմաց վճարված ընդհանուր գումարը): Նշված գումարների վճարված լինելը հավաստող փաստաթղթերի բնօրինակները անհրաժեշտ է մինչև 2026թ. ապրիլի 17-ը ներառյալ ներկայացնել ՀՀ ՊՆ գնումների կազմակերպման վարչություն, 2071 սենյակ:

Հայտնում եմ, որ վերոնշյալ գումարները Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:

Տեղեկացնում եմ նաև, որ վերոգրյալի համաձայն «ՀՀ ԳԱԱ ռադիոֆիզիկայի և էլեկտրոնիկայի ինստիտուտ» ՊՈԱԿ-ն կընդգրկվի գնումների գործընթացին մասնակցելու իրավունք չունեցող մասնակիցների ցուցակում:

Հարգանքով՝



Կ. ԲՐՈՒՏՅԱՆ